

Հաստատված է
Հայաստանի պետական տնտեսագիտական
համալսարան» ՊՈԱԿ գիտական խորհրդի
2017 թվականի մարտի 17-ի նիստում,
արձանագրություն N 7,
գիտական խորհրդի նախագահ, ռեկտոր

_____ Կ. Լ. Աթոյան
« 17 » _____ 2017 թ.



ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆԻ ԱՄԲԻՈՆԻ ՎԱՐԻՉԻ ԸՆՏՐՈՒԹՅԱՆ ԸՆԹԱՑԱԿԱՐԳ

Ի. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգը սահմանում է Հայաստանի պետական տնտեսագիտական համալսարանի (այսուհետ՝ համալսարան) ամբիոնի վարիչի ընտրության, աշխատանքային պայմանագրի կնքման և պաշտոնում հրամանագրման կարգը:

2. Համալսարանի ամբիոններն ըստ գործունեության բնույթի լինում են՝

- 1) թողարկող.
- 2) ոչ թողարկող:

3. Ամբիոնի գործունեությունն իր իրավասության սահմաններում կազմակերպում և ղեկավարում է վարիչը, ով ընտրվում է համալսարանի գիտական խորհրդում՝ 5 (հինգ) տարի ժամկետով և պաշտոնում հրամանագրվում է համալսարանի ռեկտորի կողմից: Գիտությունների թեկնածու, դոցենտն ամբիոնի վարիչի պաշտոնը կարող է անընդմեջ զբաղեցնել երկու հնգամյա ժամկետից ոչ ավելի:

Ամբիոնի վարիչի գործունեությունը համարվում է գիտամանկավարժական աշխատանք:

4. Ամբիոնի վարիչը չի կարող միաժամանակ երկու պաշտոն զբաղեցնել:

5. Աշխատանքային պայմանագրի ժամկետը լրանալուց հետո ռեկտորն իրավունք ունի ամբիոնի վարիչի հետ կնքել մինչև մեկ տարի ժամկետով պայմանագիր:

(5-րդ կետը փոխ. 31.10.2023 N 3-5)

2. ԱՄՔԻՈՆԻ ՎԱՐԻՉԻ ԹԵԿՆԱԾՈՒՆԵՐԻ ԱՌԱՋԱԴՐՈՒՄԸ

6. Համալսարանում սահմանվում է ամբիոնի վարիչի ընտրության բաց մրցութային կարգ:

7. Ամբիոնի վարիչի թափուր պաշտոնի մրցույթի (այսուհետ՝ մրցույթ) հայտարարությունը (այսուհետ՝ հայտարարություն) հրապարակվում է մրցույթն անցկացնելուց առնվազն 30 օր առաջ՝ հանրապետական մամուլի և զանգվածային լրատվության այլ միջոցներով, ինչպես նաև համացանցում՝ համալսարանի պաշտոնական կայքում:

8. Հայտարարության տեքստում պարտադիր ներառվում են հետևյալ տվյալները՝

- 1) թափուր պաշտոնի անվանումը,
- 2) տվյալ ամբիոնի վարիչի թափուր պաշտոնը զբաղեցնելու համար մասնագիտական գիտելիքներին ներկայացվող պահանջները,
- 3) մրցույթին մասնակցելու համար անհրաժեշտ փաստաթղթերի (նյութերի) ցանկը,
- 4) փաստաթղթերի ներկայացման վերջնաժամկետը,
- 5) մրցույթի նախապատրաստական աշխատանքներն իրականացնող համալսարանի համապատասխան կառուցվածքային ստորաբաժանման հասցեն և հեռախոսահամարը,
- 6) մրցույթի անցկացման վայրը:

9. Ամբիոնի վարիչի թափուր պաշտոնի մրցույթին կարող են մասնակցել գիտությունների դոկտորի կամ թեկնածուի գիտական աստիճան, պրոֆեսորի կամ դոցենտի գիտական կոչում ունեցող անձինք:

Թեկնածուների բացակայության կամ մրցույթից հետո ամբիոնի վարիչի պաշտոնը թափուր մնալու դեպքում մեկ ամսվա ընթացքում հայտարարվում է նոր մրցույթ:

10. Ամբիոնի վարիչի պաշտոնի հավակնորդները պետք է ունենան առնվազն 5 տարվա բուհական գիտամանկավարժական ստաժ:

11. Ամբիոնի վարիչի պաշտոնի հավակնորդները հայտարարության մեջ նշված ժամկետում համալսարանի մարդկային ռեսուրսների կառավարման բաժին են ներկայացնում՝

(11-րդ կետը փոխ. 31.10.2023 N 3-5)

1) դիմում ռեկտորին,

2) քաղվածք աշխատանքային գրքույկից,

3) ինքնակենսագրություն,

4) գիտական (որակավորման) աստիճանը և գիտական կոչումը հաստատող փաստաթղթերի պատճենները,

5) տպագրված (հրատարակված) գիտական և մեթոդական աշխատանքների ցուցակը.

6) տվյալներ պարգևատրումների, մրցանակների և պատվավոր կոչումների վերաբերյալ,

7) ամբիոնի գործունեության առաջիկա հնգամյակի ծրագիր:

12. Ամբիոնի վարիչի պաշտոնի հավակնորդի գործը չի ընդունվում, եթե պահանջվող փաստաթղթերը լրիվ չեն, կամ պահպանված չէ դրանց ներկայացման ժամկետը:

13. Ամբիոնի վարիչի պաշտոնի հավակնորդի դիմումը կարող է ռեկտորի կողմից մերժվել, եթե ներկայացված փաստաթղթերով հավաստված

տեղեկատվությունը չի բավարարում մրցույթի պայմաններին (համապատասխանությունը ամբիոնի մասնագիտական ուղղվածությանը):

14. Ռեկտորից մրցույթին մասնակցելու թույլտվություն ստացած հավակնորդների գործերը հանձնվում են համապատասխան պրոռեկտորին: Նա ամբիոնի նիստում կազմակերպում է ամբիոնի վարիչի հավակնորդի (հավակնորդների) և ամբիոնի գործունեության առաջիկա հնգամյակի նրա (նրանց) ներկայացրած ծրագրի (ծրագրերի) քննարկումը և համալսարանի գիտական քարտուղարին է ներկայացնում ամբիոնի կարծիքը, որտեղ նշվում են հավակնորդների մասնագիտական բնութագրերն ու գիտամանկավարժական գործունեության գնահատականները, ամբիոնի նիստի քվեարկության արդյունքները: Ամբիոնի նիստում քվեարկության (փակ գաղտնի կամ բաց՝ ըստ ամբիոնի նիստի որոշման) արդյունքում կայացվում է որոշում ամբիոնի վարիչի պաշտոնին հավակնորդի համապատասխանության վերաբերյալ:

15. Ամբիոնի վարիչի թափուր պաշտոնի համար մեկից ավելի դիմումների դեպքում, ամբիոնի նիստում գործերի քննարկման արդյունքի համաձայն, ամբիոնը հավակնորդներից մեկին կարող է տալ նախապատվություն, որից հետո բոլոր գործերը ներկայացնում է համալսարանի գիտական քարտուղարին:

16. Ամբիոնի վարիչի թափուր պաշտոնի թեկնածուի (թեկնածուների) գործը (գործերը) և ամբիոնի նիստի քննարկման և քվեարկության արդյունքները գիտական քարտուղարը նույն օրը ներկայացնում է համալսարանի գիտական խորհրդին կից մրցութային հանձնաժողով (այսուհետ՝ մրցութային հանձնաժողով):

3. ԱՄԲԻՈՆԻ ՎԱՐԻՉԻ ՊԱՇՏՈՆԻ ԹԵԿՆԱԾՈՒԹՅՈՒՆՆԵՐԻ ՔՆՆԱՐԿՈՒՄԸ

17. Ամբիոնի վարիչի ընտրության օրակարգով՝ գիտական խորհրդի նիստն իրավազոր է գիտական խորհրդի կազմի առնվազն 2/3-ի ներկայության դեպքում: Գիտական խորհրդի նիստում բոլոր որոշումներն ընդունվում են ներկա անդամների

ձայների պարզ մեծամասնությամբ (կեսից ավելի)՝ բաց քվեարկությամբ, եթե գիտական խորհուրդը որոշման ընդունման այլ կարգ չի սահմանում:

18. Նախագահողը, ըստ դիմումների տրման ժամկետի, ներկայացնում է թեկնածուների ցուցակը:

19. Մրցութային հանձնաժողովի նախագահը ներկայացնում է թեկնածուների տվյալները, ամբիոնի և մրցութային հանձնաժողովի կարծիքները:

20. Գիտական խորհրդի նիստին ամբիոնի վարիչի թեկնածուի (թեկնածուների) ներկայությունը, որպես կանոն, պարտադիր է: Թեկնածուի բացակայության և նրա գրավոր համաձայնության դեպքում գիտական խորհուրդն ընդունում է որոշում թեկնածությունը նիստում քննարկելու կամ քննարկումից հանելու վերաբերյալ:

21. Նախագահողը ծրագրային ելույթի համար ձայնը տալիս է ամբիոնի վարիչի պաշտոնի թեկնածուին (թեկնածուներին): Ելույթի առավելագույն տևողությունը որոշում է գիտական խորհուրդը:

22. Թեկնածուի ելույթից հետո գիտական խորհրդի անդամները և հրավիրված անձինք կարող են նրան տալ հարցեր, որոնք սահմանափակվում են նախագահի առաջարկով՝ գիտական խորհրդի որոշմամբ:

23. Թեկնածուի (թեկնածուների) ծրագրային ելույթից հետո իրականացվում է թեկնածության քննարկումը, որին կարող են մասնակցել ինչպես գիտական խորհրդի անդամները, այնպես էլ հրավիրվածները:

24. Ելույթի տևողությունը որոշում է գիտական խորհուրդը: Անհրաժեշտության դեպքում նախագահողը, գիտական խորհրդի համաձայնությամբ, կարող է երկարացնել ելույթ ունեցողին հատկացված ժամանակը:

25. Քննարկումը դադարեցվում է գիտական խորհրդի որոշմամբ:

26. Քննարկումների ավարտից հետո թեկնածուներին տրվում է լրացուցիչ ելույթի հնարավորություն: Ելույթի համար հատկացվող ժամանակը որոշում է գիտական խորհուրդը:

4. ԱՄԲՈՆԻ ՎԱՐԻՉԻ ԸՆՏՐՈՒԹՅԱՆ ԱՆՑԿԱՑՈՒՄԸ

27. Քննարկումներից և լրացուցիչ ելույթներից հետո ինքնաբացարկ չհայտարարած թեկնածուի (թեկնածուների) ազգանունը, անունը, գիտական խորհրդի որոշմամբ, գրանցվում է քվեաթերթիկում:

28. Նախագահողը գիտական խորհրդի անդամներին ներկայացնում է փակ գաղտնի քվեարկության կարգը:

29. Փակ գաղտնի քվեարկություն անցկացնելու և դրա արդյունքներն ամփոփելու համար, գիտական խորհրդի որոշմամբ, խորհրդի անդամների ընտրվում է 3 հոգուց ոչ պակաս (կենտ թվով) հաշվիչ հանձնաժողով, որն իր կազմից ընտրում է նախագահ: Թեկնածուն չի կարող լինել հաշվիչ հանձնաժողովի անդամ: Հանձնաժողովի որոշումներն ընդունվում են անդամների ձայների պարզ մեծամասնությամբ:

30. Մեկ թեկնածուի դեպքում քվեաթերթիկում նշվում է թեկնածուի ազգանունը, անունը, «կողմ» և «դեմ» բառերը (հավելված N 1.1):

Մեկից ավելի թեկնածուների քվեարկության համար նախատեսված քվեաթերթիկում այբբենական կարգով նշվում են թեկնածուների ազգանունը, անունը, իսկ վերջին տողում՝ «բոլորին դեմ եմ» արտահայտությունը (հավելված N 1.2):

31. Գիտական խորհրդի յուրաքանչյուր անդամին տրվում է մեկ քվեաթերթիկ: Քվեաթերթիկ ստացողը ստորագրում է համապատասխան ցուցակում:

32. Քվեարկության ավարտից հետո հաշվիչ հանձնաժողովն ամփոփում է քվեարկության արդյունքները և կազմում արձանագրություն (հավելված N 2):

Մեկից ավելի թեկնածուների դեպքում արձանագրության մեջ թեկնածուների ցուցակը կազմվում է ըստ հավաքած ձայների քանակի նվազման հաջորդականության:

33. Վավեր են համարվում այն քվեաթերթիկները, որոնցում՝

1) թողնված է «կողմ» կամ «դեմ» բառը (միակ թեկնածուի քվեարկության դեպքում),

2) քվեարկված է միայն մեկ թեկնածուի օգտին կամ «բոլորին դեմ եմ» (մեկից ավելի թեկնածուների քվեարկության դեպքում): Որևէ թեկնածուի օգտին կամ «բոլորին դեմ եմ» քվեարկելու համար համապատասխան տողի վանդակում կատարվում է նշում (հավելված N 1.2):

Քվեաթերթիկում չնախատեսված նշումների, ընդգծումների և այլ նշանների առկայության դեպքում քվեաթերթիկը համարվում է անվավեր: Քվեաթերթիկն անվավեր ճանաչելու որոշումը ընդունում է հաշվիչ հանձնաժողովը:

34. Հաշվիչ հանձնաժողովի նախագահը յուրաքանչյուր թեկնածուի համար առանձին հրապարակում է քվեարկության արդյունքները, որից հետո գիտական խորհուրդը հաստատում է հաշվիչ հանձնաժողովի արձանագրությունը:

35. Ամբիոնի վարիչի թեկնածուն համարվում է ընտրված, եթե նրա օգտին քվեարկել է գիտական խորհրդի նիստին մասնակից անդամների կեսից ավելին:

36. 2 և ավելի թեկնածուների դեպքում ոչ մի թեկնածուի կողմից գիտական խորհրդի նիստին մասնակից անդամների ձայների կեսից ավելին չհավաքելու դեպքում գիտական խորհրդի նույն նիստում կազմակերպվում է կրկնակի քվեարկություն, որին մասնակցում են՝

1) առավելագույն ձայներ ստացած առաջին 2 թեկնածուները,

2) առավելագույն ձայներ ստացած առաջին թեկնածուն և նույնաքանակ ձայներ ստացած երկրորդ և հաջորդ թեկնածուները,

3) հավասար առավելագույն ձայներ ստացած 2 և ավելի թեկնածուները:

37. Կրկնակի քվեարկությունը կազմակերպվում է սույն ընթացակարգին համապատասխան՝ նույն կամ գիտական խորհրդի որոշմամբ՝ նոր հաշվիչ հանձնաժողովի կողմից:

Ընտրված է համարվում գիտական խորհրդի նիստին մասնակից անդամների ծայների կեսից ավելին ստացած թեկնածուն:

38. Գիտական խորհուրդը հաշվիչ հանձնաժողովի արձանագրության տվյալների հիման վրա ընդունում է հետևյալ որոշումներից մեկը՝

- 1) ամբիոնի վարիչի ընտրվելու մասին,
- 2) կրկնակի քվեարկություն անցկացնելու մասին,
- 3) ընտրությունը չկայացած ճանաչելու մասին,
- 4) ընտրությունն անվավեր ճանաչելու մասին:

39. Ամբիոնի վարիչի ընտրությունը համարվում է չկայացած, եթե՝

1) ամբիոնի վարիչի միակ թեկնածուն չի ստացել գիտական խորհրդի նիստին մասնակից անդամների ծայների պարզ մեծամասնությունը,

2) ամբիոնի վարիչի 2 թեկնածուներից ոչ մեկը չի ստացել գիտական խորհրդի նիստին մասնակից անդամների ծայների պարզ մեծամասնությունը,

3) կրկնակի քվեարկության արդյունքով որևէ թեկնածու չի ստացել գիտական խորհրդի նիստին մասնակից անդամների ծայների կեսից ավելին:

40. Ամբիոնի վարիչի ընտրությունը համարվում է անվավեր, եթե ընտրությունն անցկացվել է Հայաստանի Հանրապետության օրենսդրության և սույն ընթացակարգի պահանջների խախտմամբ:

41. Ամբիոնի վարիչի ընտրության գործընթացն արտացոլող բոլոր փաստաթղթերը նիստի արձանագրության հետ ներկայացվում են համալսարանի ռեկտորին:

42. Ամբիոնի վարիչի ընտրությունն անվավեր ճանաչելու մասին գիտական խորհրդի որոշման հիման վրա ռեկտորը մեկ ամսվա ընթացքում նշանակում է նոր ընտրություններ:

**5. ԱՄՔԻՈՆԻ ՎԱՐԻՉԻ ՀԵՏ ԱՇԽԱՏԱՆՔԱՅԻՆ ՊԱՅՄԱՆԱԳՐԻ ԿՆՔՈՒՄԸ
ԵՎ ՊԱՇՏՈՆՈՒՄ ՆՐԱ ՀՐԱՄԱՆԱԳՐՈՒՄԸ**

43. Համալսարանի ռեկտորը ամբիոնի վարիչի պաշտոնում ընտրված անձի հետ կնքում է աշխատանքային պայմանագիր և նրան հրամանագրում է 5 տարի ժամկետով:

44. Ամբիոնի վարիչի լիազորությունների վաղաժամ դադարեցման դեպքում ռեկտորը նշանակում է ամբիոնի վարիչի նոր ընտրություններ՝ սույն ընթացակարգի համաձայն:

45. Առանձնատուկ դեպքերում (նոր ստեղծվող ամբիոն, ամբիոնի վարիչի պաշտոնի թեկնածուի բացակայություն, ընտրության չկայացում կամ անվավեր ճանաչում) ռեկտորն իրավասու է մինչև մեկ տարի ժամկետով ամբիոնի վարիչի պաշտոնում հրամանագրել սույն ընթացակարգի 8-րդ և 9-րդ կետերում սահմանված պահանջները բավարարող անձին և հրամանագրման ժամկետի ավարտին կազմակերպել ամբիոնի վարիչի ընտրություններ:

ՔՎԵԱԹԵՐԹԻԿ

Հայաստանի պետական տնտեսագիտական համալսարանի
գիտական խորհրդի _____ նիստում
տարեթիվը, ամսաթիվը

(արձանագրություն N ____) _____
ամբիոնի անվանումը

ամբիոնի վարիչի փակ գաղտնի քվեարկության

թեկնածուի ազգանունը, անունը

Կողմ
Դեմ

Թեկնածությանը կողմ լինելու դեպքում թողնվում է «Կողմ» բառը, ջնջվում՝ «Դեմ» բառը,
իսկ դեմ լինելու դեպքում թողնվում է «Դեմ» բառը, ջնջվում՝ «Կողմ» բառը:

ՔՎԵԱԹԵՐԹԻԿ

Հայաստանի պետական տնտեսագիտական համալսարանի
գիտական խորհրդի _____ նիստում
տարեթիվը, ամսաթիվը

(արձանագրություն N ____) _____
ամբիոնի անվանումը

ամբիոնի վարիչի փակ գաղտնի քվեարկության

N	Թեկնածուների ազգանունը, անունը	
	Բոլորին դեմ եմ	

Որևէ թեկնածուին կողմ լինելու կամ բոլորին դեմ լինելու դեպքում քվեաթերթիկում
համապատասխան տողի վանդակում կատարել նշում:

ԱՐՁԱՆԱԳՐՈՒԹՅՈՒՆ N ____
 հաշվիչ հանձնաժողովի նիստի

Հաշվիչ հանձնաժողովը ընտրվել է _____
 գիտական խորհրդի _____ նիստում (արձանագրություն N ____)
 տարեթիվը, ամսաթիվը

հետևյալ կազմով՝

1. _____
 ազգանուն, անուն
2. _____
 ազգանուն, անուն
3. _____
 ազգանուն, անուն
4. _____
 ազգանուն, անուն
5. _____
 ազգանուն, անուն

Գիտական խորհրդի _____ անդամից նիստին ներկա էր _____ անդամ:
 Քվեարկվել է (են) _____
 ամբիոնի անվանումը

ամբիոնի վարիչի պաշտոնի թեկնածությունը (թեկնածությունները):
 Քվեարկությանը մասնակցել է գիտական խորհրդի _____ անդամ:
 Բաժանվել է _____ քվեաթերթիկ:
 Քվեատուփում առկա է _____ քվեաթերթիկ:
 Քվեարկության արդյունքներն են՝

1) Միակ թեկնածուի դեպքում՝

Թեկնածուի ազգանունը, անունը	Կողմ	Դեմ	Անվավեր

2) Մեկից ավելի թեկնածուների դեպքում՝

	Թեկնածուների ազգանունը, անունը	Կողմ	Դեմ
1.			
2.			

Անվավեր քվեաթերթիկների քանակը _____ :

Փակ գաղտնի քվեարկության արդյունքներով _____ -ը
ազգանուն, անուն

ընտրված է (չի ընտրված) _____
ամբիոնի անվանումը

ամբիոնի վարիչի պաշտոնում:

Կամ՝

Փակ գաղտնի քվեարկության արդյունքներով _____
ամբիոնի անվանումը ամբիոնի վարիչի պաշտոնի

թեկնածուներից ոչ մեկը չի ընտրվում ամբիոնի վարիչի պաշտոնում,

իսկ ներքոնշյալ թեկնածուները՝

1. _____
ազգանուն, անուն

2. _____
ազգանուն, անուն

3. _____
ազգանուն, անուն

մասնակցում են կրկնակի քվեարկությանը:

Հաշվիչ հանձնաժողովի նախագահ՝ _____
ստորագրություն _____
ազգանուն, անուն

Հաշվիչ հանձնաժողովի անդամներ՝

1. _____
ստորագրություն _____
ազգանուն, անուն

2. _____
ստորագրություն _____
ազգանուն, անուն

3. _____
ստորագրություն _____
ազգանուն, անուն

4. _____
ստորագրություն _____
ազգանուն, անուն